

۱ شعبان ۱۳۳۲

پنجشنبه

۱۹ حیران ۱۳۳۰

تلفون ۱۰۹۷

امور اداره و تحریریه و اعلانات و سائرہ
ایچون مدیر مسئولہ مراجعت ایدملیدر .
عرفای امتک مقالات متصوفانہ ربینہ
جریدہ صوفیہ نک صحیفہ لری آچقندر .
درج ایدلیان اوراق اعادہ ایدلز .

جریدہ صوفیہ

شیمدیلک هفته ده بر نشر اولنور .

نسخہ سی ۴۰ پاره در .

ابونہسی: برسنه لك اعتباريله ممالك عثمانیه
ایچون پشین اوله رق ۴۰ آلتی آیلنی ۲۵
غروش و ممالك اجنبیه ایچون اوزا یکی فرانتدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، ادبی ، سیاسی جریدہ اسلامیہ در .

سنه — ۲

عدد — ۹۷

۱۵

«لوائی اوسع» دیرلر نیجه بیک پیر کیلانی
نه بسطامیلر آنده جاغریشور نغمای «سبحانی»
«انالحق» صیحه سی منصورلری اورده ایدر فانی
نیجه بیک ادهمه ترك ایتدیرر تحت خراسانی
سریر «لی معاه» تختگاه احمدیتدر
دل موسای عشقه «لن ترانی» عین رؤیتدر

۱۶

خطاب «لن ترانی» بی کوچوک کورمه بیی عاشق
آنک تحتددر رؤیت صفایاب اول حجابدن چیق
کوکلدن اینجه برفکر ایت ندر منطق، ندر ناطق
سلوک اهل دل اوزره ثبات ایت صادق اول صادق
سریر «لی معاه» تختگاه احمدیتدر
دل موسای عشقه «لن ترانی» عین رؤیتدر

۱۷

خطاب «لن ترانی» رتبه فوق المعالیدر
کلیمیت، ندیمیت آنک رمزومالیدر
نقیب ذات حق اولش، مخاطب ذات عالیدر
حریم صفة اللهده بولنمق نقدحالیدر
سریر «لی معاه» تختگاه احمدیتدر
دل موسای عشقه «لن ترانی» عین رؤیتدر

۱۸

کل ای فوزی بویولده قیل توقف بک اوزون کیتمه
بیلنلر سندن عارفدر، جهوله نغمه اوکرتمه
سماع «لن ترانی» دن دل عاشقی اورکوتمه
حریم احمدیده منتظر اول شدرحل ایتمه
سریر «لی معاه» تختگاه احمدیتدر
دل موسای عشقه «لن ترانی» عین رؤیتدر

مصطفی فوزی

«نابیانه نعت النبی صلی اه علیه وسلم»

روضه شمس ضحی قبر مکرمدر بو
برتو عرش خدا خاك معظمدر بو
ملجاء نوح نجی مسکن یعقوب وخیل
مہبط روح مسیح قبلہ مریدر بو
بونده در شاه سریر حرم علین
خاتم ومهر رسالتہ مفخمدر بو

لطف وقهرین کوستر فیض هدی راه ضلال
عین مجلادن تجلی هم جمال و هم جلال
ملك انك مالك انك بیوده در هپ قیل وقال
حق عالینده (نیچونلر) اولماز درمیان
قوللرك معبوده یوقدر ذرة مانسبتی
بروجود واجبك معدومه اولماز حاجتی!
برکیز (الله) کیم! حیرت بوفکرک غایتی!
جان انك، ا کوان، انك فرمان انکدر بیکمان!

رجب وحی

نغمه (لن ترانی) دن مابعد

۱۱

کل اوکرن سر توحیدی قلوب اهل معنادن
بودهرک رازنی ترك ایت نه اوکرنکد معنادن
صور آکلا درس توحیدی خفای سر موسادن
کلیم اولان ادنا دکلدور طورسینادن
سریر «لی معاه» تختگاه احمدیتدر
دل موسای عشقه «لن ترانی» عین رؤیتدر

۱۲

یدبیضای مرشددن محبت جامنی نوش ایت
آلوب فیض هویت عرش دلدن عشقه کل جوش ایت
خطاب «لن ترانی» یه بتون اعصابکی کوش ایت
ایشیتده «لن ترانی» بی جهانی مست ومدهوش ایت
سریر «لی معاه» تختگاه احمدیتدر
دل موسای عشقه «لن ترانی» عین رؤیتدر

۱۳

اوقو کچ حکمت دهری بودرسده قالمه سن ابتر
بوکا حکمت یتشمز نورعشق وشوق وذوق ایستر
تجلیزار موسی اول عصای جذبہ کی کوستر
زمین عشق وجدانی سہای سدره دن برتر
سریر «لی معاه» تختگاه احمدیتدر
دل موسای عشقه «لن ترانی» عین رؤیتدر

۱۴

بتون اشیا «انالحق» جاغریشور حقک لسانندن
آنک توحیدنی سویلر زمینندن، زمانندن
ظهور آنک ظهوریدر مکان ولامکانندن
ینه حیرتده در عاشق بوسرک طوروشانندن
سریر «لی معاه» تختگاه احمدیتدر
دل موسای عشقه «لن ترانی» عین رؤیتدر